

ben. Vnd sey also
 Adino fur Orer/
 vnd hat Emtb/
 fur ethhanitbo ge-
 macht. Denn die
 Ebrei wol wissen
 wie man in böser
 Handschrift kan
 Daleth fur Res/
 Dau fur Nun/Se/
 fur Chau/vnd wir
 derumb lesen.
 Darumb haben
 wir nach dem
 Text. 1. Par. 11. cor
 rigirt / Denn der
 Text an diesem
 ort nichts gibet.
 Des gleichen kan
 auch geschehen
 sein/in dem wort
 im drey / Item
 acht hundert / So
 in der Chronica
 dreissig / Item
 drey hundert ste-
 hen / Doch kan
 das ein ander
 meinung haben /
 vt infra. 1. Par. 11.

VAD diese drey furnemesten vnter Dreissigen kamen hin ab in der Erndte zu David in der hōle Adullam / vnd die Rotte der Philister lag im grund Rephaim. David aber war da zu mal in der Burg / Aber der Philister volck lag zu Bethlehem. **V**nd David ward listern / vnd sprach / Wer wil mir zu trincken holen des wassers aus dem brun zu Bethlehem vnter dem thor? Da rissen die drey Helden ins Lager der Philister / vnd schepfften des wassers aus dem brun zu Bethlehem vnter dem thor / vnd trugens vnd brachtens David. Aber er wolts nicht trincken / sondern gos es dem **HERRN** / vnd sprach / Das las der **HERR** fern von mir sein / das ich das thu / Ists nicht das blut der Menner / die jr Leben gewogt haben / vnd da hin gegangen sind? vnd wolts nicht trincken / Das theten die drey Helden.

ABisai Joabs bruder der son Jeru Ja / war auch ein furnemester vnter drei- **Abisai.**
Aen / Er hub seinen Spies auff / vnd schlug drey hundert / vnd war auch be-
 rümbt vnter dreien / vnd der herrlichst vnter dreien / vnd war jr Oberster /
 Aber er kam nicht bis an die drey.

VAD Benaia der son Joiada / des sons Jshail von grossen Thaten von **Benaia.**
Kabzeel / Der schlug zween Lewen der Moabiter / vnd gieng hin ab vnd
 schlug einen Lewen im brun zur schneezzeit. Vnd schlug auch ein Egyptischen
 grewlichen Man / der hatte einen Spies in seiner hand / Er aber gieng zu jm hin
 ab mit einem Stecken / vnd reis dem Egypter den Spies aus der hand / vnd er
 würgete jn mit seinem eigen spies / Das thet Benaia der son Joiada. Vnd war
 berümbt vnter den dreien Helden / vnd herrlicher / denn die Dreissig / Aber er
 kam nicht bis an die drey. Vnd David machte jn zum heimlichen Rat.

ASahel der bruder Joab ist vnter den dreissigen. Elhanan der son Dodo **Asahel.**
 zu Bethlehem. Samma der Haraditer. Elifa der Haraditer. Helez der
 Paltiter. Ira der son Ikes des Tekoiter. Abieser der Anthotiter. Nebunai
 der Husathiter. Salmon der Ahohiter. Maherai der Aethophathiter. Heleb
 der son Baena der Aetophathiter. Jthai der son Ribai von Gibeon der kinder
 Ben Jamin. Benaia der Pirgathoniter. Hidai von den bechen Gaas. Abial
 bon der Arbathiter. Asmaneth der Barhumiter. Eliaheba der Saalboniter.
 Die kinder Jafen vnd Jonathan. Samma der Harariter. Ahiam der son Sa-
 rar der Harariter. Eliphelet der son Ahanbai des sons Maechathi. Eliam
 der son Ahitophel des Giloniters. Hexrai der Carmelither. Paerai der Arbi-
 ter. Jegeal der son Nathan von Zoba. Bani der Gaditer. Seleg der Ammoni-
 ter. Naharai der Beerothiter / der Waffentreyger Joabs des sons Jeru Ja. Ira
 der Jethriter. Garab der Jethriter. Oria der Hethiter. Der ist alle sampt sieben
 vnd dreissig.

XXIII.

David

heist das Volck ze-
 len etc.



VAD der zorn des **HERRN** ergrimmet aber mal wider Israel /
 vnd reizt David vnter jnen / das er sprach / Gehe hin / zele Israel
 vnd Juda. Vnd der König sprach zu Joab seinem Feldheubt-
 man / Gehe vmb her in allen stemmen Israel / von Dan an bis
 gen Ber Seba / vnd zele das volck / Das ich wisse wie viel sein ist.
 Joab sprach zu dem König / Der **HERR** dein Gott thu zu diesem Volck / wie
 es jzt ist / noch hundert mal so viel / das mein Herr der König seiner augen lust
 dran sehe / Aber was hat mein Herr König zu dieser sachen lust? Aber des Kö-
 niges wort gieng vor / wider Joab vnd die Heubtleute des Heeres.

Also zoch Joab aus vnd die Heubtleute des Heers von dem Könige /
 das sie das volck Israel zeleten. Vnd giengen vber den Jordan / vnd lagerten
 sich zu Aroer zur rechten der Stad die im bach Gad ligt / vnd zu Jaeser. Vnd ka-
 men gen Gilead / vnd ins Niderland Hadsi / vnd kamen gen Dan Jaan / vnd
 vmb Sidon her. Vnd kamen zu der festen stad Tyro / vnd allen Stedten der He-
 uiter vnd